



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Vita Leonis Papae VII.

urn:nbn:de:hbz:466:1-15625

VITA
LEONIS . PAPÆ VII.

ANNO
CHRISTI
936.

Leo VII.
quando
pontifex
factus.

LEO huius nominis septimus pontificatum adeptus est Anno Redemptoris DCCCCXXXVI. tempore Constantini & Romani imperatorum orientalium : de quo Flooardus in chronico prædicto anno ista scribit: *Ioanne papa fratre Alberici defuncto, Leo quidam Dei seruus Romæ papa constituitur.* Hic Odonem abbatem Cluniacensem, virum sanctitate celeberrimum, vocavit Romam, vt inter Hugonem regem Italiae, qui Romam obsidere cœperat, & Albericum Romæ principem, pacis componendæ sequestrum ageret. Venit abbas sanctissimus, suaque intercessione apud vtrumque hoc obtinuit, vt Albericus filiam Hugonis coniugem acciperet, & Hugo obsidionem solueret.

Henrici regis Germaniæ obitus.

Huius tempore mortuus est Henricus rex Germaniæ, decus Christianæ religionis, qui post multas alias gentes, de quibus supra, Cuusum Daniæ regem ad Christi fidem conuertit, ipsosque Danos ab hominum immolatione reuocavit, regni que heredem filium suum Ottonem pietate & fortitudine militari sibi non dissimilem reliquit.

Manasses Arelatenfis episcopus ecclesiæ perturbator.

Eodem hoc tempore, ad afflictionem & perturbationem ecclesiæ, Manasses Arelatenfis episcopus nouam addidit miseriam, quando homo ambitiosus sua sede nequaquam contentus, opera Hugonis regis Italiae, non tantum Veronensem, Tridentinam & Mantuanam, verum etiam Mediolanensem ecclesiam inuasit, asserens se id facere exemplo principis apostolorum, qui etiam Romanam, Antiochenam & Alexandrinam ecclesias simul possedisset. Hæc Luitprandus, qui Dei & legum contemptorem peracri inuectura perstringit. Leo cum sedisset annis tribus, & sex mensibus, defunctus est.

VITA